



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გურჯაანი



გურჯაანის გერბი (2010-
იდან)

გურჯაანი, ქალაქი (1934-იდან) აღმოსავლეთ საქართველოში (კახეთის მხარე), გურჯაანის მუნიციპალიტეტის ცენტრი. მდებარეობს გომბორის ქედის ჩრდ.- აღმ. მთისწინეთისა და ალაზნის ვაკის მიჯნაზე, ბაკურციხე - თელავის საავტ.

გზაზე. სარკინიგზო კვანძი (თბილისი - თელავის რკინიგზის ხაზს გ-ში გამოეყოფა წნორის მიმართულებით მიმავალი განშტოება). ზ. დ. 400 მ, თბილისიდან 111 კმ. 10 ათ. მცხ. (2002). ჰავა ზომიერად ნოტიო სუბტროპიკულია. საშ. წლ. ტემპ-რა 12,4°C, იანვ. საშ. ტემპ-რა 0,9°C, ივლ. 23,6°C.

ნალექები 800 მმ წელიწადში. გ-ში არის ღვინის (მ. შ. სააქციო საზ-ბა „გურჯაანი-1929“), სპირტის, საკონსერვო, ყველ-კარაქის ქ-ნები, აგრეთვე ადგილ. მნიშვნელობის წვრილი საწარმოები. მოსახლ. უმთავრესად ჩაბმულია სას.-სამ. შრომაში (მევენახეობა-მებაღეობა). არის საჯარო, სამუსიკო, სამხატვრო და სპორტ. სკოლები, ბ-კები, მხარეთმცოდნეობის მუზეუმი, ჯონ (მალხაზ) შალიკაშვილის სახ. ქართული მხედრული ისტორიის მუზეუმი, საბრძოლო დიდების მემორ. მუზეუმი, სახალხო თეატრი, კულტ. ცენტრი „გურჯაანი“. სამედ. დაწესებულებები. ქალაქშია ტალახით სამკურნალო ბაღნეოლ. კურორტი ახტალა . გ-ში მოქმედებს წმ. სამების გურჯაანისა და ველისციხის ეპარქიის საკათედრო ტაძარი.



„გურჯაანი“